

bet / der muß auch alles behüten vnd erhalten / ohn das wir arbeiten müssen / vnd nicht müßig oder laß gehen.

**Der HERR erleuchte sein
Angesicht vber dir / vnd sey dir
gnedig.**

Das ander Stück betrifft das
Geistlich Wesen vnd die Seelen
Denn solches Segens / ist das Reich
vnd Güter nicht empfänglich / sondern blei-
ben in dem ersten Stück / da sie mit vns
nach dem Leibe den gemeinen Segen ha-
ben / Vnd hie müssen wir Ebreisch lernen
vnd der Sprachen gewohnen / denn es laufft
im Deutschen gar nichts / wenn ich spreche
Gott erleuchte sein Angesicht vber dir / vnd
ist doch nicht wol anders zu geben / noch zu
uerdeutschen / vnd müßens also Ebreisch
nach reden vnd bleiben lassen.

Vnd ist auff Deutsch so viel gesagt
Gott der HERR erzeige sich dir freundlich
lich vnd tröstlich / sehe dich nicht sauer an
noch zornig / erschrecke dein Herze nicht / son-
dern lache dich frölich vnd Väterlich an